



Mandatu ba Kargu sira iha lerarkia F-FDTL

“idade reforma no continuidade funsaun”

Mahein Nia Lian Nú. 136, 30 Outobru 2018



Foto Media Prezidencia Repúblika, 2018

Fundasaun Mahein (FM)

Website: www.fundasaunmahein.org

2018



Kontiudu sira

Kontiudu sira	2
Introdusaun	3
Metodolojia	4
Nomeasaun no mandatu ba kargu sira ierarkia F-FDTL nian	4
Idade reforma no kontinuidade funsaun	6
Rekomendasaun	7
Bibliografia	8



Introdusaun

Nomeasaun ba kargu sira iha ierarkia FALINTIL-Força de Defesa de Timor-Leste (F-FDTL) nian nu'udar kompetensia Prezidente Repúblika nian tuir pontu m) artigu 86 Konstitusaun Repúblika Demokratika Timor-Leste. Nune'e mos alinea e) artigu 14 Lei Defeza Nasional (Lei N.º 3/2010 Lei Defeza Nasional, loron 21 Abril) no artigu 74 no 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) nian.

Normalmente exersisiu ba kargu sira iha ierarkia F-FDTL nian, tuir artigu 74 kargu CEMG F-FDTL no Vice-CEMG F-FDTL nia mandatu tinan haat no renova dala ida deit. Nune'e mos kargu CEM F-FDTL no Komandante Komponente sira tuir artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) nia mandatu tinan rua no renova dala ida deit.

Iha kazu ida ne'e, hafoin Vice-Chefe Estado Maoir General F-FDTL (CEMG F-FDTL) Brigadeiro General Filomeno Paixão de Jesus nomea ba Ministru Defeza iha fulan Jullu 2018, kargu Vice-CEMG F-FDTL mamuk durante fulan rua. To'o fulan ikus Setembru 2018 Prezidente Repúblika nomea Brigadeiro General Falur Rate Laek ba kargu Vice-CEMG F-FDTL ho mandatu tinan ida tuir Dekretu Prezidente Repúblika N.º 39/2018 loron 21 Setembru no simu pose iha loron 1 Outobru 2018.

Nomeasaun Brigadeiro General Falur Rate Laek ba kargu Vice-CEMG F-FDTL husik mamuk tan kargu Chefe Estado Maior (CEM) F-FDTL nian. Ikus mai, Prezidente Repúblika nomea Koronel Calisto Santos Coli "Coliati" ba kargu CEM F-FDTL ho mandatu tinan rua tuir Dekretu Prezidente Repúblika N.º 45/2018, loron 23 Outobru 2018 no simu pose iha loron 29 Outobru 2018. Iha tempu hanesan mandatu CEMG F-FDTL ramata ona iha loron 6 Outobru 2018 no to'o agora seidauk halo nomeasaun foun ka rekondusaun. Inklui Komandante Komponente sira nia mandatu sei ramata iha loron 17 Novembru 2018.

Nomeasaun ba kargu sira ierarkia F-FDTL nian antes ne'e iha tinan 2016 sai polémika entre Governu ho Prezidente Repúblika.¹ Ikus mai halo rekondusaun ba kargu CEMG F-FDTL, Vice-CEMG F-FDTL no CEM F-FDTL ba tinan ida no kontinua halo rekondusaun kada tinan to'o tinan 2018. Tambasa nomea deit ba tinan ida no la hala'o tuir norma sira iha artigu 74 no 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) nian? Nune'e objetivu husi relatóriu ida ne'e halo análise ba mandatu kargu sira iha ierarkia F-FDTL nian tuir Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL).

¹ Relatóriu Fundasaun Mahein 2016. Proposta Nomeasaun no Exonerasaun Polémika entre Prezidente da Repúblika ho Governu RDTL "Polémika nomeasaun no exonerasaun ba Chefe Estado Maior General Força Armada (CEMGFA), Vice-Chefe Estado Maior General Força Armada (Vice-CEMGFA) ignora tiha Chefe Estado Maior Forsa Armada (CEMFA)" FALINTIL-Força de Defesa de Timor-Leste (F-FDTL). Disponivel iha ne'e: http://www.fundasaunmahein.org/wp-content/uploads/2016/02/MNL-Nu.108_Proposta-Nomeasaun-no-Exonerasun-23022016_Versaun-Tetum.pdf

Metodolojia

Metodolojia ne'ebé adopta iha relatóriu ida ne'e maka revizaun inisial ba dokumentu ofisial sira hanesan Konstitusaun RDTL, Lei Defeza Nasional, Estatutu Militar F-FDTL nian no Dekretu Prezidente Repúblika nian. Peskizador halo análise no konklui relatóriu ida ne'e liu husi metodu ne'ebé Fundasaun Mahein (FM) adopta maka *Security Sector Discussion* (SSD) iha ne'ebé involve peskizador sira husi FM rasik.

Nomeasaun no mandatu ba kargu sira ierarkia F-FDTL nian

1. CEMG no Vice-CEMG F-FDTL

Tuir norma sira iha Estatutu Militar F-FDTL nian exersisiu kargu sira CEMG F-FDTL no Vice-CEMG F-FDTL iha durasaun maxima tinan haat, no bele renova ba dala ida deit. Tuir n.º 3 artigu 74 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) hatete:

N.º 3 artigu 74:

“O exercício dos cargos de CEMG das F-FDTL e de Vice-CEMG das F-FDTL têm a duração máxima de quatro anos, podendo ser renovados por uma única vez”.

CEMG F-FDTL Major General Lere Anan Timur nomea ba kargu CEMG F-FDTL no Vice-CEMG F-FDTL Brigadeiro General Filomeno Paixão de Jesus iha tinan 2011 ho nia durasaun tinan haat no ramata iha tinan 2015² ho polêmika³. Hafoin ultra-pasa tiha polêmika ne'e Major General Lere Anan Timur no Brigadeiro General Filomeno Paixão de Jesus rekondus hikas ba kargu CEMG no Vice-CEMG F-FDTL no ho nia durasaun tinan ida ba dalatolu husi tinan 2015 – 2016⁴, 2016 – 2017⁵ no 2017 - 2018⁶.

Iha kazu ida ne'e, CEMG F-FDTL Major General Lere Anan Timur nia mandatu ramata ona iha loron 6 Outobru 2018. Iha ne'e mosu diskusaun oin-oin no argumenta katak, Major General Lere Anan Timur nia mandatu ramata ona no bele halo nomeasaun foun ba kargu CEMG F-FDTL husi figura seluk iha F-FDTL. Ida seluk argumenta katak Major General Lere Anan Timur bele halo rekondusaun tan ba tinan ida ka rua ba kargu CEMG F-FDTL.

² Dekretu Prezidente Repúblika N.º 64/2011 loron 6 Outobru

³ Relatóriu Fundasaun Mahein 2016. Proposta Nomeasaun no Exonerasaun Polémika entre Prezidente da Repúblika ho Governu RDTL “Polémika nomeasaun no exonerasaun ba Chefe Estado Maior General Força Armada (CEMGFA), Vice-Chefe Estado Maior General Força Armada (Vice-CEMGFA) ignora tiha Chefe Estado Maior Força Armada (CEMFA)” FALINTIL-Força de Defesa de Timor-Leste (F-FDTL). Disponivel iha ne'e: http://www.fundasaunmahein.org/wp-content/uploads/2016/02/MNL-Nu.108_Proposta-Nomeasaun-no-Exonerasun-23022016_Versaun-Tetum.pdf

⁴ Dekretu Prezidente Repúblika N.º 20/2016 loron 19 Maiu no Dekretu Prezidente Repúblika N.º 21/2016 loron 19 Maiu

⁵ Dekretu Prezidente Repúblika N.º 44/2016 loron 23 Novembru no Dekretu Prezidente Repúblika N.º 45/2016 loron 23 Novembru

⁶ Dekretu Prezidencia Repúblika N.º 65/2017 loron 4 Outobru no Dekretu Prezidencia Repúblika N.º 66/2017 loron 4 Outobru



Argumentu sira ne'e leten ne'e ho idak-idak nia razaun rasik katak nomeasaun foun ba kargu CEMG F-FDTL hodi kontinua prosesu ne'ebe Major General Taur Matan Ruak hala'o ona iha tinan 2011. Nune'e mos razaun seluk kona-bá rekondusaun Major General Lere Anan Timur ba kargu CEMG F-FDTL hodi fasilita prosesu tranzisaun lideransa F-FDTL nian.

Enkontru Konsellu Superior Defeza no Seguransa iha loron 16 Outobru 2018 diskute kona-bá mandatu Major General Lere Anan Timur nian ne'ebé asume kargu nu'udar CEMG F-FDTL no ramata ona iha loron 6 Outobru 2018.⁷ Maibe seidak klaru atu halo nomeasaun foun ka rekondusaun. Enkuantu Vice-CEMG F-FDTL nian, Prezidente Repúblika nomea ona Brigadeiro General Falur Rate Laek ba kargu Vice-CEMG F-FDTL ho mandatu tinan ida tuir Dekretu Prezidente Repúblika N.º 39/2018 loron 21 Setembru no simu ona pose iha loron 1 Outobru 2018.

Kestaun nomeasaun no exonerasaun ba mandatu sira "posto de oficial general e de oficiais generais", inklui Komandantes Komponente sira, ne'e "kompetensia rasik" Prezidente Repúblika no la iha limitasaun atu exerse direitu ida ne'e. Maske Governu hanesan parte ida ne'ebé hato'o proposta ("sob proposta"), maibe la vinkula direitu Konstitusional Prezidente Repúblika atu desidi no nomea ka exonera kargu sira postu jeneral no ofisiais jeneral sira, hanesan regula iha artigu 70º husi Estatutu Militar F-FDTL hatete "kompetensia eksklusiva Prezidente Repúblika atu prosede promosaun ba militar F-FDTL ba postu hirak jeneral ba postu ofisial jeneral nomos ofisiais jenerais, tuir proposta husi Governu".⁸

2. CEM no Komandante Komponente sira

Tuir n.º 2 artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) exercisiu kargu CEM no Komandante Komponente sira iha durasaun maxima tinan rua no bele renova ba dala ida deit.

N.º 2 artigu 75:

"O exercício dos cargos de CEM das F-FDTL e de Comandante de Componente têm a duração máxima de dois anos, podendo ser renovados por uma única vez".

Iha kazu ida ne'e, Komunikadu Imprensa Prezidencia Repúblika nian iha loron 27 Outobru 2018 fo sai katak Prezidente Repúblika nomea ona Koronel Koliati hodi asume kargu CEM ho durasaun tinan rua liu husi Dekretu Prezidente Repúblika nian N.º 45/2018, loron 23 Outobru. Koronel Koliati simu ona pose nu'udar CEM iha loron 29 Outobru 2018 hodi troka Brigadeiro General Falur Rate Laek ne'ebé nomea ona ba Vice-CEMG F-FDTL iha loron 1 Outobru 2018.

⁷ Komunikadu Imprensa Prezidencia Repúblika, loron 16 Outobru 2018

⁸ Haree mos Relatóriu Fundasaun Mahein 2017. Formasaun Governu Tarde: Hamosu Violaasaun ba Lei kona-bá Mandatu Forsa Armada Nia Xefe Estadu Maior Jeneral, Vise, Xefe Estadu Maior no Komandante Komponente sira. Disponivel iha ne'e: <http://www.fundasaunmahein.org/wp-content/uploads/2017/09/MNL-126-12092017-FINAL-PDF.pdf>



Nune'e mos ba kargu Komandante Komponente sira F-FDTL nian ne'ebé daudaun ne'e exerse husi:

- a) Komponente Terrestre: Tenente-Koronel Marcelino Ximenes, aliás, "Rizaï";
- b) Komponente Naval Ligeira: Kapitaun Fragata Adão de Brito, aliás, "Jacky";
- c) Komponente Formasaun no Treino: Tenente-Koronel Celestino Pinto, aliás, "Daileba";
- d) Komponente Apoiu no Serviisu: Tenente-Koronel Benedito Dias Quintas, aliás, "Punu Fanu".

Tuir Dekretu Prezidente Repúblika nian N.º 46/2016 loron 23 Novembru sei ramata iha loron 17 Novembru 2018. Iha kazu ida ne'e presiza halo nomeasaun foun ka halo rekondusaun tuir n.º 1 no 2 artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) nia haruka.⁹

Idade reforma no continuidade funsaun

Tuir n.º 1 artigu 195 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) hatete militar sira ne'ebé pasa ba situasaun reforma bainhira atinji ona idade tinan 60. Maske nune'e, la signifika katak militar ne'ebé pasa ona ba idade reforma tenke ba deskansa maibé bele kontinua servisu naran katak prenxe kondisaun sira tuir lei jeral.

N.º 1 no 2 artigu 195 kona-bá reforma hatete:

1. *O militar passa à situação de reforma sempre que atinja os 60 anos de idade;*
2. *O militar que atinja os 60 anos de idade pode continuara o serviço, desde que reunidas as condições previstas na lei geral, designadamente: d) A continuidade de funções pode ser requerida pelo período máximo de um ano, renovável; e) Depois da aprovada a continuidade de funções pelo CEMG das F-FDTL ou pelo Presidente da República, nos casos do CEMG e Vice-CEMG das F-FDTL, é proposta ao militar, que a poderá aceitar ou recusa.*

Iha kazu rekondusaun Major General Lere Anan Timur ba kargu CEMG F-FDTL, Vice-CEMG F-FDTL Brigadeiro General Filomeno Paixão de Jesus kada tinan (periodu 2015 – 2016, 2016-2017 no 2017 no 2018) no Brigadeiro General Falur Rate Laek ba kargu atual Vice-CEMG F-FDTL no mandatu iha periodu sira liu ba nu'udar CEM F-FDTL ba mandatu tinan ida¹⁰. Tamba sira hotu pasa ona ba idade reforma no kontinua exerse kargu sira iha ierarkia F-FDTL nian. Maske exersisiu normal ba kargu CEMG F-FDTL, Vice-CEMG F-FDTL tuir artigu 74 kargu CEMG F-FDTL no Vice-CEMG F-FDTL

⁹ Artigo 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL). 1) O Chefe de Estado-Maior das F-FDTL e os comandantes das componentes são nomeados e exonerados pelo Presidente da República, sob proposta do Governo, ouvido o CEMG F-FDTL e precedida de audição do Conselho Superior de Defesa e Segurança. 2) O exercício dos cargos de CEM das F-FDTL e de Comandante de Componente têm a duração máxima de dois anos, podendo ser renovados por uma única vez.

¹⁰ Dekretu Prezidente Repúblika N.º 39/2018 loron 21 Setembru



nia mandatu tinan haat no renova dala ida deit. Nune'e mos kargu CEM F-FDTL no Komandante Komponente sira tuir artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL) nia mandatu tinan rua no renova dala ida deit.

Kargu CEMG F-FDTL ne'ebé to'o agora seidauk halo nomeasaun foun ka rekondusaun. Posibilidade Prezidente Repúblika bele rekondus nafatin Major General Lere Anan Timur ba kargu CEMG F-FDTL ba tinan ida ka halo nomeasaun foun. Tamba ne'e kompetensia Prezidente Repúblika nian atu halo nomeasaun foun ka rekondusaun. Maske Governu hanesan parte ida ne'ebé hato'o proposta ("sob proposta"), maibe la vinkula direitu Konstitusional Prezidente Repúblika nian ka la obriga Prezidente Repúblika tenke halo tuir.

Enkuantu mandatu ba kargu CEM F-FDTL ne'ebé asume husi Koronel Calisto Santos Coli "Coliati" ba tinan rua tamba seidauk pasa ba idade 60 ka pasa ba situasaun reforma. Nune'e nomea tuir dispozisaun n.º 2 artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL).

Nune'e mos Komandante Komponente sira F-FDTL nian ne'ebé sei ramata iha loron 17 Novembru 2018. Nomeasaun ka rekondusaun tuir dispozisaun n.º 2 artigu 75 Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL). Maibe bainhira entre Komandante Komponente sira ne'ebé pasa ona ba situasaun reforma sei aplika tuir dispozisaun n.º 1 no 2 alinea d) no e) artigu 195.

Rekomendasaun

Konklui katak nomeasaun no exonerasaun ba kargu sira iha ierarkia F-FDTL nian nu'udar kompetensia Prezidente Repúblika nian. Maske Governu hanesan parte ida ne'ebé hato'o proposta ("sob proposta"), maibe la vinkula direitu Konstitusional Prezidente Repúblika nian ka la obriga Prezidente Repúblika tenke halo tuir. Nune'e exersisiu normal ba kargu CEMG F-FDTL no Vice-CEMG F-FDTL nia durasaun maximu tinan haat no renova dala ida deit. Inklui exersisiu ba kargu CEM F-FDTL no Komandante Komponente sira ho durasaun maximu tinan rua no bele halo renovasaun dala ida deit. Maibe bainhira pasa ba situasaun reforma no kontinua exerse kargu sira iha ierarkia F-FDTL nian ho mandatu tinan ida no bele halo renovasaun tan. Naran katak kontinuidade funsaun aprova husi CEMG F-FDTL no Prezidente Repúblika ba kargu CEMG F-FDTL no Vice-CEMG F-FDTL. Nune'e FM rekomena:

1. Prezidente Repúblika no Governu presiza konsidera no hala'o tuir Lei ba mandatu CEMG F-FDTL Major General Lere Anan Timur ne'ebé ramata ona iha loron 6 Outobru 2018. Iha ne'ebé halo nomeasaun foun no exonerasaun ka rekondusaun tuir kompetensia Prezidente Repúblika nian.
2. Ministru Defeza hahu halo konsultasaun no audisaun ho Konsellu Superior Defeza Militar (F-FDTL), atu antisipa prosesu, nomos mandatu ba Komandante Komponente sira ne'ebé sei remata iha loron 17 Novembru 2018.



Bibliografia

- Dekretu Prezidente Repúblika N.º 45/2018, loron 23 Outobru 2018
- Dekretu Prezidente Repúblika N.º 39/2018 loron 21 Setembru
- Dekretu Prezidencia Repúblika N.º 65/2017 loron 4 Outobru
- Dekretu Prezidencia Repúblika N.º 66/2017 loron 4 Outobru
- Dekretu Prezidente Repúblika N.º 44/2016 loron 23 Novembru
- Dekretu Prezidente Repúblika N.º 45/2016 loron 23 Novembru
- Decreto-Lei N.º 28/2016 de 13 de Julho Primeira Alteração ao Decreto-Lei N.º 7/2014, de 12 de Março (Estatuto dos Militares das F-FDTL)
- Dekretu Prezidente Repúblika N.º 20/2016 loron 19 Maiu
- Dekretu Prezidente Repúblika N.º 21/2016 loron 19 Maiu
- Dekretu Prezidente Repúblika N.º 66/2011 loron 6 Outobru
- Dekretu Prezidente Repúblika N.º 65/2011 loron 6 Outobru
- Dekretu Prezidente Repúblika N.º 64/2011 loron 6 Outobru
- Komunikadu Imprensa Prezidente Repúblika, loron 16 Outobru 2018
- Relatóriu Fundasaun Mahein 2017. Formasaun Governu Tarde: Hamosu Violasaun ba Lei kona-bá Mandatu Forsa Armada Nia Xefe Estado Maior Jeneral, Vise, Xefe Estado Maior no Komandante Komponente sira. Disponivel iha ne'e: <http://www.fundasaunmahein.org/wp-content/uploads/2017/09/MNL-126-12092017-FINAL-PDF.pdf>
- Relatóriu Fundasaun Mahein 2016. Proposta Nomeasaun no Exonerasaun Polémika entre Prezidente da Repúblika ho Governu RDTL "Polémika nomeasaun no exonerasaun ba Chefe Estado Maior General Força Armada (CEMGFA), Vice-Chefe Estado Maior General Força Armada (Vice-CEMGFA) ignora tiha Chefe Estado Maior Forsa Armada (CEMFA)" FALINTIL-Força de Defesa de Timor-Leste (F-FDTL). Disponivel iha ne'e: http://www.fundasaunmahein.org/wp-content/uploads/2016/02/MNL-Nu.108_Proposta-Nameasaun-no-Exonerasun-23022016_Versaun-Tetum.pdf